

葉縣志總目

卷首

序文 目錄 纂修姓氏 凡例 圖考

卷之一

輿地志

沿革

星野

疆域

形勢附

山川

古蹟

卷之二

建置志

城池

街道附

廨宇

鋪舍附

倉廩

學校

觀附

坊表

關津

橋梁

寨堡附

祠宇附

寺

卷之三

禮樂志

典禮

職祀

鄉約

總目

卷之四

賦役志

丁役里甲

田賦鹽法

雜稅附驛站

卷之五

職官志

各表

卷之六

選舉志

各表

卷之七

名宦志

卷之八

人物志

鄉賢書院

儒林藝苑

文苑方外

孝義流寓

忠烈列女

卷之九

藝文志

賦

詩

頌

贊

記

序

墓志

銘

墓表

傳

書事

論

考

祭文

卷之十

雜記

紀事錄異

輯聞辨疑

附錄

舊志凡例

舊志編次

舊志纂修姓氏

葉縣志卷之八下

司印銓調署葉縣事中牟孫印孫歐陽霖重修

人物志

忠烈

明

孟養氣慷慨有氣節崇禎五年汝州賊白石魯和尚等作亂轉掠至葉在北關焚劫居民紛紛逃竄養氣獨挺立罵賊以死聞者壯之

李慶雲以武舉充練總崇禎十三年葉大饑西南土寇滋事來攻縣城慶雲統鄉兵禦之力屈陣亡縣令張公憐其

忠義厚葬之時人以比孟養氣稱雙烈焉

李瓊及子某流賊陷城遇害其未婚子婦許氏見列女傳
國朝

柴自立侯建邦李發堯牛廷獻張繼曾任義俱充南陽鎮
標守兵嘉慶初年從征川陝楚教匪先後打仗陣亡蒙

恩卹賞並祀昭忠祠

郭愷常村人嘉慶二年羣盜踞裕州之拐河葉人震恐愷
率村中壯丁十餘人前往偵探被擒死之

閻景泰充保安驛鄉勇嘉慶二年三月教匪竄擾至境迎
勦不克被害同死者胡占魁林有望李成德李萬章毛繼

林邵存義許太共七人皆鄉勇也

兵書申兆台馬夫張林金二民人吳欽魁施德皆在保安驛禦賊被害又有浙江人鄭甯遠寄居於葉亦於嘉慶二年死教匪之難

七品軍功張永合充鎮標馬兵咸豐六年十月捻匪圍攻鄧州永合奉派隨守城池城失守與賊巷戰力竭死之

婁業仕入貲爲巡檢宦安徽權知太湖縣事隨觀察使者防堵於英山咸豐七年遭李逆之變死甚烈事聞得優卹岳誠者設教鄉塾咸豐七年三月角子山捻匪突至誠大罵鼠輩肆行無忌必遭天誅賊怒拔其舌殺之

從九品孫百泉生員龔雷鳴義勇楊萬書民人朱遇春郭雲山趙永剛趙圻科趙浪當全文章朱同升並咸豐七年七月遭捻匪王三變子之難被掠不屈罵賊而死劉孔德被賊裹脅誓死不從遇害

劉天福聞賊將至母病不能步履因使家人皆逃而獨侍母側賊入室將殺其母天福哀號跪懇賊乃舍其母而令天福負重隨行至舞陽思母欲遁賊覺之刃交於胸而斃王合羣王箱董雲程馬西朝均被擄不屈罵賊死以上皆咸豐九年二月事

盧浚雲黃東印董保元皆罵賊被殺咸豐九年十月事也

附生郭俊卿居李堂村練集鄉人保衛族黨屢挫賊鋒咸豐十年三月捻匪突至俊卿糾衆力戰賊愈集愈多力竭死之同時陣亡者附生郭明書民人郭明賢郭明聚郭廷玉郭廷松曹濟堂曹玉山葉應三翟遂成張五路祥居石礮師甄毛海岱王五全助毛中清王彩光朱敬程師超郭廷望郭遂太趙遂玉共二十三人俊卿妻高氏見列女傳附生郭銘書遇賊被掠驅至魯山縣境百端誘脅終不肯從賊乃殺之其子恒德亦被獲乘間逸出索遺骸不得招魂葬焉

呂太清年七十四歲賊至責以大義語未畢已被刺體無

完膚其子兆祥在側賊脅之使從兆祥見父傷重戀戀不肯捨賊亦殺之

王肇先訓家爲業賊至生徒逃散肇先猶誦讀不輟賊笑其迂擄以去肇先曰我讀書人肯附賊耶遂見殺

侑生修自新隨同心寨團勇與賊接仗不克而死同死者段復先段五德張昌泰段光斗劉長發郭有志段遇益段光輝孫安士郭登月孫安常段三奇段先春毛中義共十四人

張培顯被執大罵賊怒抉其目拔其舌而後殺之子振痛其父死之慘也投河以殉

魏蒼年八十六卧病不能逃賊入其室蒼叱之曰爾等逆天滅理不久爲大兵所誅矣賊恚殺之

王德超聞警以父母衰老不忍遠離賊至被擄哀之曰雙親待我以養惟諸君憐而釋之賊竟殺之

董應吉性至孝聞警奉雙親逃走中途遇賊被裹以去應吉思親不置乘間逸出賊覺追回支解死

段瑞隨鄉團與賊鏖戰旣敗急回家負母而逃甫出村而賊大至遂遇害

董乾聞亂侍其父雲驤逃至萬渡口賊倏至擄雲驤以行乾拚死追至跪求憐憫賊不許乾遂厲聲罵之賊縛其四

五十六
肢投諸河

朱廣和父母老不能逃依依相守賊至被擒死之

郭海者自其祖父皆以醫名皖匪孫葵心據其室適病令海診視不可強之則爲開砒霜等味賊怒鞭箠交下海慟哭大罵賊磔之至死罵不絕口

滕二德者舟子也賊奪船欲渡不與刺以矛落水死

楊清順有勇力遇三賊於澧河石坡中力與之鬪賊將不支乃鳴角號其衆須臾大集清順被執極力叱罵賊以石擊其首腦漿迸流以死

朱廣太膂力方剛充練勇匪至偕衆迎敵賊勢張衆皆敗

走廣太單騎獨留與賊酣戰逾時勇氣益銳不意馬中流矢而蹶遂被害人莫不痛而惜之焉

張槐林賊至率村人在萬渡口拒戰賊勢猖獗衆怯多逃者槐林獨不退裹創力戰死之

何羣充練勇隨衆禦賊旣敗羣猶力鬪被殺

監生趙青選賊至率其長子偕次子敏同鄉團百餘人接戰全軍覆沒賊焚之一時並爲灰燼

萬嶼者率其鄉人背澧水爲陣與賊相持殲斃悍匪數名旣而力盡被執不屈死於澧水之濱

朱秋林頗驍勇賊前隊至秋林入其軍往來衝突妻子得

五
乘間以逃已而賊衆至集秋林鬪死

監生高琦張文玉白欽皆遇賊力鬪且痛詈之旋被獲賊
繫其手足投諸澧河

范書府被掠罵賊不屈賊縛之屋梁攢矛刺死

張玉中被掠罵賊不屈賊以矛刺之墜澧河死其孫張四
見祖已亡亦慟哭投河

劉魁五見賊諭以順逆之理言出禍隨被害甚酷

王忠亮黃欽黃叔夜王海林謝同丑王中秋張懷林董滿
倉董振成劉又林王元賓高玉山趙吞王二倉孫老德孫

拴陳高山王四劉大祿辛克仁楊合運張洪昌辛加利高

福高得成王老德韓文彪孫牛羣俱罵賊被殺

儒童岳榮光來紅孫玉魁鄭牛呂鳳池賀和范鳴宇張黑
吞王玉張懷玉張文生皆遇賊力戰死高雲田殺賊數名
而後死段佩周二成戰敗投河死張顯張文玉田光德董
純董明月董倉董長合戰敗被賊擲入河死

義勇王士則孫魁元趙廣順楊銳楊運朱信李天佑馬振
聲吳大順馬清吉馬清安張夢祥均與捻匪對敵陣亡

李文王光裕魏興胡樂善段齡楊萬年張山陳元德皆被
擄不屈見害李明合董振方被擄不屈乘間投河魏虎魏
畜子被擄逸出賊捉回殺之

監生李長發王闢二朋陳常李台黃文俊劉照夏松張書祥蔣聚俱投河死

劉天一王紹曾張黑宋馥蘭張元德趙萬里呂宗太王清臣羅九張玉昆康有呂岳范長府黃廷舉祁海觀張文憲張振興皆遇賊被殺邊道源賊索財物不與被殺以上皆咸豐十年三月事

陳鯉咸豐十年閏三月獨行遇賊責之以綱常名教死於湛河之涯

鄭恒素習技藝遇賊邊馬於廟岡之南手執長鎗轉戰四五里賊不能近不幸遇伏死焉

賈萬志謝凝道同遇賊於馬頭山力鬪而死

裴確李常山張玉振唐忠並被掠不屈死以上皆咸豐十

一年三月事

陳萬法雷草灣民也聞亂偕妻杜氏弟萬聚子培榮培華
培貴孫東珊嘉道及培貴妻李氏乘牛車避難遇賊於途
杜氏曰少壯者可以逃去老弱死之萬聚曰否否今日惟
有死鬪耳率三姪奮勇衝突殺賊十餘人無何賊麋至環
攻四人皆戰死萬法等皆被殺一門男婦老幼死者九人
賊燬其屍

陳大合暨弟金合卿並金合子陳娃卿妻陳氏共五人李

克富暨妻李氏子李娃共三人王義山張成志李春法馮春卯左得中劉聾子許箱馮駱駝並不肯從賊受傷身死王文興保安人也遇賊力鬪殺傷數名以眾寡不敵被戕魏先庚被擄不從肆口詈罵賊爭刺之洞胸而亡

俞茂森浙江人也寄居保安驛充團練隊長在陳家崗勦賊陣亡同死者姚四德王小合王明善張喜魁張震牛保苗玉趙春連榜皆茂森所帶義勇也以上咸豐十一年八月事

楊運肇獨行遇賊縛而驅之運肇趑趄不肯行賊舉而投於澧河